

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

२०७६ वैशाख २१ गते शनिवा:

मांया स्वा: स्वयगु दि

सा:गु भिंगु मरिचरिया

निंति लुमंका दिसें ।

लक्षण गमाल 'विलिनि'

प्रोप्राइटर

लाखा छे

LAKHA CHHEN

सोह-सुटे, वडा नं. १६, चौ. फोन नं.: ८३६०७५८

थुकि दुने

गैरन्यायिक कुनात:मह पत्रकार जितेन्द्र
महर्जनयात याकन त्व:तेमाल
नृपेन्द्रलाल श्रेष्ठ - २



जित: सिने पत्रकार यानाब्यूम्ह निम्हम्ह
पत्रकार पुष्करलाल श्रेष्ठ
शशिकला मानन्धर - ३

साहित्य
(माया छ्वा: स्वयगु लसताय्)
बसन्त नकर्मी
पुष्परत्न तुलाधर
मोतिशान्ति शाक्य
राजुराम मुर्नक:मि
सुनिल बज्राचार्य
रामेश श्रेष्ठ - ६



लो-अप

पूर्णमान महर्जन

कलाकार

४-५ पेज

देय् दबू संस्थागत मूल्य मान्यता अ:ख: न्हयज्यानाच्वन

दबूया नाय:पार्से यानाच्वंगु खर्च पारदर्शी याय्मा:गु र्खँ ल्हवन धका: कोषाध्यक्षयात हे हिल

लहना संवाददाता

ने.सं. ११३९ चिल्लाथ्व दुतिया व
तृतिया कुन्हु सुदूरपश्चिम धनगढीइ नेवा: देय्
दबूया प्यक्व:गु केन्द्रीय मुँज्या लिपा विवादया
चाकलय् ला:गु दु । विशेष याना: उगु दबूया
दांभरि अञ्जिता खड्गी व केन्द्रीय दुज:
रिश्मला प्रजापतिया जिम्मेवारी हेरफेर या:गु
खँयात कया: थुकथं विवादय् ला:गु ख: ।

थुकियात कया: नेवा: देय् दबूया दांभरि
अञ्जिता खड्गी वंगु चौलाथ्व बुधवा: प्रेस
विज्ञापित पिथसे दबूया नाय: नरेश ताम्रकारलिसे
दबुली आर्थिक अपचलन जुयाच्वंगु व
हिसावकिताव पारदर्शी मज्जु खँयात कया:
कचर्च जुगुलिं थ:म्हेस्यां जिम्मेवारी कयातयागु
कार्यभारपाखे चीकेगु ज्या जूगु ख: धका: द्वप
बियादीगु दुसा व हे लिधंसाय् जिल्ला प्रशासन
कार्यालयस उजुरी बीधुका: 'कोषाध्यक्ष
अञ्जिता खड्गीलाई संस्थाको विधानको
कुन दफा उपयोग गरी हटाइ केन्द्रीय सदस्य
बनाएको हो सो को यथार्थ विवरण' न्हयब्वयत
जिल्ला प्रशासन ज्याकुथिया प्रशासकीय
अधिकृत सुजन फागो लिम्बुपाखे देय् दबूयात
स्पष्टिकरण न्येनेगु ज्या जूगु दु ।

दांभरि खड्गीयात कार्यभार चीकेगु
खँयात कया: विवाद जुइवं थ्व सम्बन्धय्



निक्व:तक सचिवालयया मुँज्याय्
अनुपस्थित जूगु व उगु मुँज्याय्
हिसावकिताव न्हयब्वयगु ज्या
मज्जुलिं खड्गी थ:गु जिम्मेवारी
पूमवंक जुयां सर्वसम्मतं केन्द्रीय
दुज:कथं जक जिम्मेवारी बीगु
निर्णय या:गु ख: ।
-नरेश ताम्रकार

दबूया नाय: ताम्रकारं मिति २०७४ जेठ १२
गते च्वंगु न्हापांगु मुँज्यां या:गु क्व:छिनाकथं
विधानया दफा १४, उपदफा ४या व्यवस्थाकथं
नेवा: देय् दबूया कार्यविभाजन या:गुलिइ आ:
उगु कार्यविभाजन हेरफेर याय्गु सर्वसम्मतं
निर्णय जूकथं हे खड्गीयात केन्द्रीय दुज:कथं
जक जिम्मेवारी बियागु धयादीगु दु । वय्
क:या कथं खड्गी निक्व:तक सचिवालयया
मुँज्याय् अनुपस्थित जूगु व उगु मुँज्याय्
हिसावकिताव न्हयब्वयगु ज्या मज्जुलिं खड्



मुँज्याय् स्वक्व:तक उपस्थित
मज्जुसा स्पष्टिकरण काय्गु
व उकिया निंति उन्हु
तक म्याद बिया: उकी
नं स्पष्टिकरण मब्युसा
जक कार्यभार चीकेफइगु
व्यवस्था दु ।
-अञ्जिता खड्गी

गी थ:गु जिम्मेवारी मका:गु स्पष्ट जूगुलिं हे
थुकथं सर्वसम्मतं निर्णय या:गु ख: ।

जिम्मेवारी बहन मया:गु ख:सा न्हापां
स्पष्टिकरण काय्मा:गु खँयात कया:
न्हयस: त:गु इलय् वयकलं निक्व:तक
मुँज्याय् अनुपस्थित जुया: हिसाव किताव
न्हयमब्वगुलिं हे नं वयक: थ:गु जिम्मेवारीपाखे
लिच्युगु ख: व थुकियात कया: सर्वसम्मतं
निर्णय या:गुलिं नं थुकी छुं नं विवाद मदुगु
धयादिल । तर न्हयागु हे थ:गु तर्क बीगु ज्या

या:सां नं मुँज्याय् स्वक्व:तक उपस्थित मज्जुसा
स्पष्टिकरण काय्गु व उकिया निंति उन्हु तक
म्याद बिया: उकी नं स्पष्टिकरण मब्युसा
जक कार्यभार चीकेफइगु व्यवस्था दुगु दांभरि
अञ्जिता खड्गी धयादीगु दु ।

दांभरि खड्गीया कथं नेवा:तयगु राष्ट्रिय
संगठनकथं कयात:गु नेवा: देय् दबुली
नाय:पाखे यक:तिकथं ज्या यानाच्वंगु ख: ।
छुं नं संगठनयात ग्वाहालि बीमा:सा उकियात
सचिवालयया मुँज्यां अनुमोदन मयायकं हे
ग्वाहालि याय्गु व उकियात कया: रेकर्ड
तयगु निंति पर्याप्त प्रतिवेदन व भ्वतक नं
न्हयमब्व:गु दांभरि खड्गीया द्वप ख: । वय्
कलं भिद्र:तका ग्वाहालि याय्गु प्रावधान
दुगु ख:सा नं उगु ग्वाहालि थ: यत्थे छ्
यलाच्वंगु धयादीगु दु । गन नं भाषा, लिपि
कक्षा वा छुं नं कथंया ज्याया निंति ग्वाहालि
ब्युगु ख:सा नं उकिया छुं नं रेकर्ड मदुगु व
उकियात कया: वेवास्ता या:गुलिं हे थजा:गु
समस्या व:गु खँ धयादिल । अफ थुकियात
कया: सचिवालय मुँज्यापाखे पारित याय्मा:
धयाबलय् थुकियात कया: नाय: ताम्रकारं
थजा:गु चिचीधंगु खँयात कया: विवाद याय्
मज्जु धइगु आशय उपेक्षा याना वयाच्वंगु
नं धयादिल ।

त्यं ७ पेजय्

पत्रकार महर्जनयात त्व:तेगु माग यासें पत्रकार दबूपाखे प्रदर्शन



नेवा: पत्रकारतयगु राष्ट्रिय संगठन
नेवा: पत्रकार राष्ट्रिय दबूया नेतृत्वय्
न्हापांखुसी दबूया दुज:या निंति सतकय्
कुहां वया: प्रदर्शन याय्गु ज्या जूगु दु ।
सर्वोच्च अदालतया आदेशयात तर्क
अवज्ञा याना: नेपाल पत्रकार राष्ट्रिय दबू
यें जिल्लाया दुज: जीतेन्द्र महर्जनयात
हिरासतय् तयात:गुया विरोध यासें वय्
क:यात तत्काल त्व:तेमा:गु माग याना:
सतकय् कुहां व:गु ख: । वैचारिक
आस्थाया आधारय् पर्याप्त प्रमाण
मदय्क पत्रकार महर्जनयात हिरासतय्

तयात:गु धका: उकिया विरोधय् वंगु
विहिवा: माइतीघर मण्डलाय् प्लेकार्ड
ज्वना: प्रदर्शन या:गु ख: ।

नेवा: पत्रकारलिसे नं नेपा:या
पत्रकारिपनिगु थीथी संगठनया
प्रतिनिधिपिन्सं ब्वति कयादीगु उगुप्रदर्शनय्
खस भासं देवनागरिक लिपि च्वयात:गु
प्लेकार्ड जक मखु, नेपा:या मौलिक लिपि
रञ्जना लिपि, प्रचलित नेपाल लिपि, रोमन
लिपि च्वयात:गु नेपालभाषा व अंग्रेजी
भासं च्वयात:गु प्लेकार्ड तर्क ज्वना:
प्रदर्शन या:गु ख: । त्यं ७ पेजय्



सम्पादकीय



चकंदबूली

जुयाचवंगु अतिक्रमण

यैया चकंदबू अर्थात खुल्लामञ्च्य जुयाचवंगु अतिक्रमणयात कया: थुगु वालय तसकं चर्चा जूगु जुल। विशेषयाना: यै महानगरपालिकालिसे सम्भौता (नक्कली?) याना: उकथं या:गु अतिक्रमणयात कया: स्थानीवासीलिसे थीथी सञ्चारमाध्यमपाखें आलोचना यायव थुकथं चर्चाया विषय जूगु खः।

यैया पुलांगु बसपार्कय काठमाण्डौ भ्यू टावर दयकेगु क्व:छीवं हे थुक्रियात कया: विवाद शुरु जूगु खः। विशेष याना: २०७२सालया विनाशकारी भुखाय लिपा यै चकंगु थाय्या अभाव जूगु महसूस या:पिं फुक्क स्वनिग:वासीपिन्सं चकंगु थासय थुकथंया टावर दयकेगु निर्णययात कया: विवाद थनेगु ज्या या:गु खः। गुगु मनासिव नं खनेदु। तर यै महानगरपालिकां थुक्रियात वेवास्ता यासैं अन टावर दयकेगु ज्या जुयाचवंगु दु। व हे टावर दयकेगु जिम्मा का:गु कन्स्ट्रक्सनपाखें यैया चकंदबूली अस्थायी बसपार्क दयकात:गु थासय मेगु सटर दयका: बालं बिया अकट धेबा कमय यायगु ज्या यात। थुक्रियात कया: यै महानगरपालिकालिसे सम्भौता यानागु धका: अन सटर दयकेगु ज्या जुल व अन बालं बिया: धेबा कायगु नं ज्या जुल। थुकथं सार्वजनिक जग्गाय बालं बिया: धेबा कमय यायगु ज्यायात कया: छ्वाखेरं आलेचना जूगु ख:सा यैया स्थानीयवासीपिन्सं नं विरोध यायगु ज्या जुल। गुक्रिया लिल्ल:कथं प्रधानमन्त्रीया तप्यक आदेशं उगु टहरा थुनेगु ज्या जुल, गुगु सकारात्मक खँ जुल।

थुगु टहरा थना: धेबा कमय यायगु व हाकनं थुनेगु ज्या उलित त:धंगु मखु, गुलि भूमाफियातयगु सञ्जालया न्हय:ने, अलय भ्रष्टाचार व कामिशनया न्हय:ने। यै महानगरपालिकालिसे सम्भौता याना: थुकथं टहरा दयकेगु बालं बिया: धेबा कमय यायगु अधिकार बीगु ज्या जुल, उक्रियात कया: अनुसन्धान याना: सत्यतथ्य खँ न्हय:ने हय्मा:गु आ:या आवश्यकता खः। थुगु ज्याय यै महानगरपालिकाया कर्मचारी वा जनप्रतिनिधि सु सुयागु संलग्नता दुगु खः, उक्रियात कया: छानवीन याय्मा:। यदि उमिगु संलग्नता मदगु ख:सा सायद ठेकेदार थुकथं ज्या यायगु आँट दइमखु। अलय उगु टहरा दयकाचवंगु इलय सायद महानगरपालिका सुम्क टुलुटुलु स्वयाचवंगु ला पक्कां खइमखु। नापं स्थानीयवासी व थीथी मिडियापाखें तसकं आलोचना जुइधुका: नं सुनां थुगु टहरा थुनेगु नितिं आदेश ब्यूगु धका: स्वयम् जनप्रतिनिधित अलमलय मलाइगु जुइ। थ्व तसकं हे बिचा: यायवह:गु खँ खः। उकिं थुक्रियात कया: दुयक अनुसन्धान याना: संलग्न मन्तयुत कारवाही याय्मा:गु आ:या आवश्यकता खः। यदि थथे मजुल धा:सा स्वनिगलय जक मखु, नेपा:या मूमा थासय दयाचवंगु सार्वजनिक जग्गाय तकं भूमाफियातयसं मिखा तइगु नापं कर्मचारी व जनप्रतिनिधिपिन्सं थजा:गु ज्या यायत न्हयमज्याइ धका: धायफइमखु। थुक्रिया ज्वलंत उदाहरण कथं थौकन्हय चर्चाय वयाचवंगु वालुवाटारया जग्गा नं खः, गुकी उच्च स्तरया नेतात तकं ल्हा: दुगु खँ वयाचवंगु दुसा स्वनिग:या मेमेगु महत्वपूर्ण सार्वजनिक जग्गाय थुकथंया हस्तक्षेप मजुइ धका: सुनां धायफइगु स्थिति दु? थुक्रियात कया: सकलें सचेत जुइमा:गु थौया आवश्यकता खः।

त्वमिपिठत इनाप

लहना वा:पतिइ लेख, रचना, रिपोर्ट व समाचार छ्वयादीफइ। छिकपिंसं छ्वयादीगुयात थुगु वा:पतिइ थाय बिचाचवना। पिदंगु च्वसुयात उचित पारिश्रमिक बीगु नं सुचं बिचाचवना।

लहना वा:पौ
भोछें, यै

lahana.news@gmail.com

गौरव्यायिक कुनात:मह पत्रकार
जितेन्द्र महर्जनयात याकन त्व:तेमाल

थुना मुक्त यायगु उजं लिपा हे ज्याकुथिया ई पुलेधुका: सरकारं 'प्रतिबन्धित ज्या'य दुथ्या:गु धासैं प्रहरीं ज्वना: पूर्जा हे मक्यंसे पत्रकार महर्जनयात हिरासतय त:गु खः। बैचारिक आस्थाया लिधंसाय पायुछि व माक्व दसि मदयकं हे हिरासतय तयगु बिचा: व अभिव्यक्ति स्वतन्त्रता अ:ख: ज्या खः। पत्रकार महर्जनयात याकनं स्वयां याकनं त्वतकेत संघर्षया ज्याइव: घोषणा याय्मा:।



नूपेन्द्रलाल श्रेष्ठ

पत्रकार जीतेन्द्र महर्जनया त्व:तेत माग यासैं नेवा: पत्रकार राष्ट्रिय दबूलिं वंगु विहिवा: बैशाख १२ गते यैया माइतीघर मण्डलाय धर्ना ब्यूगु खः। धर्नायात कया: आदिवासी जनजाति पत्रकार महासंघ, नेपाल पत्रकार महासंघ, क्रान्तिकारी पत्रकार संघ व

अभिव्यक्ति स्वतन्त्रता, प्रेस स्वतन्त्रता व सूचना हकया नितिं माइतीघर मण्डलाय दंगु थ्व हे न्हापांखुसी खः। वइगु दिनस नीति व ज्याइव:यात थुकिं दिशानिर्देश या:गु दु।

घटनां ब्यूगु सन्देश

थुगु घटनां पत्रकार दबू धइगु नेपा:या पत्रकारिताया दायरायात अभ तब्या: यायगु नितिं हे खः। प्रेस स्वतन्त्रता, बिचा: नापं अभिव्यक्ति स्वतन्त्रताया नितिं संघर्षया ख्यलय दीपं नेवा: पत्रकारिपनिगु छू सशक्त मोर्चा खः। पत्रकारिता सम्बद्ध थीथी संगठन, दलीय आस्थाया लिधंसाय स्थापित पत्रकार संगठन पत्रकार दबूयात थुकथं थुइकूगु दु।

नेपा:या पत्रकारिता ख्यलय विषयगत, दलगत याना: लिपांगु दशकय जातीय पहिचानया लिधंसाय पत्रकारिपनिगु

न्यायिक मर्मयात कया: प्रहार

सर्बोच्चया बैशाख ८ गतेया बन्दी प्रत्यक्षीकरणया आदेशय पत्रकार महर्जनयात अनुसन्धानया इवल्य स:तूगु इलय हाजिर जूवयगु शर्तय भ्वं याका: थुनामुक्त यायत धा:गु खः। अदालतया उजकथं त्व:तूगु छुं ईलिपा हे (ज्याकूया ई क्वचायधुका:) प्रतिबन्ध यानात:गु ज्याखँय दुथ्या:गु धासैं महर्जनयात सर्बोच्चया लुखां हे हाकनं ज्वंगु खः। राज्य न्यायया मर्मयात काय: प्रहार यासैं कानूनी राजया उपहास या:गु दु। न्यायाधिस अनिलकुमार सिन्हा व डम्बर बहादुर शाहीया मंका: इजलासं ब्यूगु उजजय धयात:गु दु, 'बस्तुनिष्ठ आधार व कारण मदयकं ज्वनेगु व अनुसन्धानया इवल्य धका: थुनाय तयगु ज्या मुलुकी फौजदारी कार्यविधि (संहिता) ऐन २०७४या दफा ९ अ:ख: जूगु धयात:गु दु।'



क्रान्तिकारी पत्रकार संगठनं ऐक्यबद्धता प्वकूसे उगु संगठनया पदाधिकारीपिन्सं ब्वति का:गु खः। सरकारं पत्रकार महर्जनयात त:क्व:मछि हे थुनाय तया: प्रेस स्वतन्त्रताया हक कुपिठत या:गुलिं हे नेवा: पत्रकार राष्ट्रिय दबूया ब्यानरय उगु फुक संगठनया पदाधिकारी छू हे थासय मुनेगु ज्या जूगुया मू हुनिं खः।

उगु इलय पत्रकार महासंघ, आदिवासी जनजाति पत्रकार संघ व नेवा: पत्रकार राष्ट्रिय दबू लिसंया संगठनं पत्रकार महर्जनया त्व:तेकेगु नितिं या:गु संघर्षय अलग अलग व सहकार्य याना: न्ह्या: वनेगु उद्घोष या:गु खः। थुगु घटनां पत्रकार दबूया उद्देश्ययात संकेत या:गु खः। थुगु दृष्टिं थ्व चीधंगु घटना, तर लिपा तक नं उलि महत्वं जायाचवंगु दु। अथे ख:सां पत्रकार जीतेन्द्र महर्जनया त्व:तूगु मदुनि। मा:कथं थप संघर्ष यायगु थ:गु हे थासय दु। पत्रकार दबूया न्हयलुवाय बिचा: व

संगठन पलिस्था जूगु खनेदु। बिचा: नापं अभिव्यक्ति स्वतन्त्रताया नापनापं जाति, भाषा, संस्कृति, समावेशी व म्हसीकाया मुदायात पत्रकारिताया मूल्य व मान्यताकथं स: थ्वयकेमा:गु तातुनां जातीय पत्रकारिपनिगु संगठन स्थापित जूगु खः। जातीय पत्रकारिपनिगु संगठनयात बिचा: नापं अभिव्यक्ति स्वतन्त्रताया नितिं ल्वाइगु मोर्चाकथं थुइकेगु व थुइगु ल्याखं थुगु घटनाया महत्व दुगु खः।

पत्रकारिताय म्हिग:तक थाय मदुगु व मब्यूगु मुदां प्राथमिकताय लाइगु धइगु नेपा:या पत्रकारिताया दायरा तब्या: जूगु हे खः। घटनां थुगु तथ्ययात स्थापित या:गु दु। घटनां पत्रकार दबू व आबद्ध पत्रकारिपिन्सं प्रेस स्वतन्त्रताया महत्व, बिचा: नापं अभिव्यक्ति स्वतन्त्रतायात थुइकेगु थजा:गु कथंया संघर्षया नितिं तयार याना यंकेगु खः। ब्यवसायिक पत्रकारिताकथं थनेत व न्हय:ने वनेगु थजा:गु ज्याखं मा:गु खनेदु।

'निश्चित राजनीतिक आस्था जूगुलिं हे जक प्रवृत्त भावनापाखें कानूनया उचित कार्यविधिया पालना मयासैं त:क्व:मछि म्याद तना: हिरासतय तयातयगु ज्या न्यायिक दृष्टिकोणपाखें तकं औचित्यपूर्ण खनेमदु।' अदालतया उजजय न्हयथनात:गु दु।

निवेदशकयात थुनाय हे तया: अनुसन्धान याय्मा:गु उचित व माक्व आधार व कारण न्हयमर्थसे म्याद थप यायगु ज्या कानूनत: अपरिपक्व खनेदुगु नं अदालतया उजजय न्हयथनात:गु दु। थुना मुक्त यायगु उजं लिपा हे ज्याकुथिया ई पुलेधुका: सरकारं 'प्रतिबन्धित ज्या'य दुथ्या:गु धासैं प्रहरीं ज्वना: पूर्जा हे मक्यंसे पत्रकार महर्जनयात हिरासतय त:गु खः। बैचारिक आस्थाया लिधंसाय पायुछि व माक्व दसि मदयकं हे हिरासतय तयगु बिचा: व अभिव्यक्ति स्वतन्त्रता अ:ख: ज्या खः। पत्रकार महर्जनयात याकनं स्वयां याकनं त्वतकेत संघर्षया ज्याइव: घोषणा याय्मा:।

जितः सिने पत्रकार यानाब्यूम्ह निम्हम्ह पत्रकार पुष्करलाल श्रेष्ठ

शाशिकला मानन्धर

हलिं नेवाः दबूया स्वक्वः गु तः मुँज्या-११३९या उलेज्या कुन्हु (२०७५ चैत्र १४ गते, शुक्रवाः) भिम्ह ब्यक्तित्वपिन्त हनेगु ज्या नं जगु खः । व भिम्ह मध्ये छम्हखः, पत्रकार पुष्करलाल श्रेष्ठ । तसकं म्हं मफइव्वंम्ह पुष्करलालया नामय् मृत्युञ्जय पूजा जुयाच्चन धाःगु न्यनाः नुगः खुल्ल मिन । नर्भिक अस्पतालया वना, जितः गेटपालें दुतमख्वः । बर्हिन दताः इलय् वा धाल । न्हिनसिया रताः ई तिनि जुल । पीगु कि मपीगु ? जिं व गेटपालेयात इनाप यानाः थथे धया, 'सिसियूया २०५ ल्याः या बेडय् पत्रकार पुष्करलाल श्रेष्ठ मृत्युलिसे संघर्ष यानाच्चन, लुखाय् दनाः छवः स्वय्, जि नं पत्रकार खः । 'जि नं पत्रकार खः ।' धाय् तिनि गेटपालें जितः मपन । तलय् सिसियूया लुखाय् च्वनाच्चंम्ह गेटपालयेता नं जिं अथे हे धया । बल्ल वं लुखा चाय्काबिल । दुनया लुखाय् दना, न्ह्यःनेसं २०५ ल्याः या बेडय् पुष्करलाल देपापाखे छ्यं स्वकाः घनाच्चन । नर्सयाके न्यना स्वया, वं 'छुं सुधार मजू लच्छि दय्धुकल ।' धाल । भेन्टिलेटर सासः लहाकातःम्ह पुष्करलाल मृत्युनाप संघर्ष यायां आखिरय् बु हे वुत । वंगु बैशाख ४ गते बुधवाः बर्हिन जिं फेसबुकय् व दुःखद सूचं ब्वना, अलय् भूगोलपार्कय् पुष्करया सीम्ह तयातःगु किपाः नं खना । न्हिनय् पिने लाः बलय् जिं व दुःखद सूचं ब्वने मलात, व कुन्हु जिं पुष्करलालयात श्रद्धाञ्जलि बी मखन ।

पुष्करलाल श्रेष्ठ, २०४१ सालनिसें पिदनेगु शुरु जगु अलय् व इलय् तसकं लोकंहवाःगु सिने पत्रिका 'कामना'या सम्पादक खः । जि मचाबलय्निसें म्हस्युम्ह ।

२०४३ सालय् नेपालभाषाया न्हापांगु सकिपा 'सिलु'या सुटिङ्ग ह्यात । 'सिलु'या नर्कं मयजु नबिना श्रेष्ठया अन्तर्वार्ता काय्केछ्वःम्ह पत्रकार विश्वभूमि न्हिपीया सम्पादक अशोक श्रेष्ठ खः । नबिनाया अन्तर्वार्ता 'इनाप' पत्रिकाय् २०४३ सालय् हे पिदन । तर २०४४ साल कार्तिक तिनि 'सिलु' सकिपा प्रदर्शन जुल । हाकन अशोक हे जितः पत्रकारया पास बिचाः विश्वज्योति हलय् सकिपा स्वकेछ वल । लिपा रिभ्यू नं च्वकल । व रिभ्यू नं 'इनाप' पत्रिकाय् पिदन । उबलय् अशोक धाःगु लुमनि, 'सिलु' सकिपाया रिभ्यू च्वःम्ह छ हे न्हापांम्ह खः ।

जिमिगु पुलांगु छैय् बसन्तपुली, त्वाः पूण्यबहाः खः । पुष्करलालया छै अटकोनारायण द्यः थाय् छै नं सती । 'इनाप' पत्रिकाय् पिदंगु नबिनाया अन्तर्वार्ता ब्वनेवं पुष्करलाल जिगु छैय् वयाः 'कामना'या निरतिं थीथी कलाकारपिनिगु अन्तर्वार्ता कया ब्यू धकाः इनाप याःवल । व इलय् जितः न्ह्यागु च्वय् न्ह्याः, जिं 'दय्' धया । 'कामना'या ज्याकुथिइ सःताः मिटिङ्ग नं यात । व इलय् ज्याकु वयागु छैया छेलीसं । 'कामना' पत्रिकाया २५गु ल्याः पिदनेत्यंगु लसताय् २०४४



साल जेठ ८ व ९ गते राष्ट्रिय सभागृहस 'कामना सौभ' नांया साँस्कृतिक ज्याइवः तःजिक जुल । पुष्करलाल बंगु व ज्याइवलय् जि निन्दुयकं ब्वति कयाबलय् तःम्ह कलाकारपिनाप जिगु म्हसीका जुल । पुष्करलाल जितः 'कामना' सिने पत्रिका, सम्बाददातया म्हसीका कार्ड छू नं दय्काबिल । व कार्ड जिं घाना जुया । २०४४ कार्तिक जिं नेपालभाषा च्वयागु 'सिलु' सकिपाया रिभ्यू 'इनाप'य् पिदनेधुकुलिं हाकन व रिभ्यू खस नेपाली भासं अनुबाद यानाः 'कामना'य् पिथनाच्चने मखुत धकाः पुष्करलाल धाल, अलय् जिं अनुबाद मयाना । छुं ई लिपा 'सिलु' सकिपाया रिभ्यू पत्रकार मदन च्वःगु 'कामना' पिदन । पुष्करलालया सल्लाहकथं 'कामना'या निरतिं जिं दकलय् न्हापां 'कान्छी' सकिपाया नर्कं शर्मिला शाहयाके अन्तर्वार्ता कया । व धुंकाः कलाकार लक्ष्मी श्रेष्ठयाके कया ।

२०४५साल जेठ फूडमाइक्रोबायोलोजी विषयया तालिम काय्त् ज्याकुथि जि दक्षिण भारतया मैसूर वनेगु मिले जुल । वने न्ह्यः पुष्करलाल जितः भारतय् सुं नं कलाकार नापलाःसा अन्तर्वार्ता कया हीज धकाः इनाप यात । स्वलाया निरतिं जि भारतया तसकं नांजाःगु 'सेन्टर फर फूड टेक्नोलोजी एण्ड रिसर्च इन्स्टिच्यूट (सिएफटिआरटी)', मैसूरय् वना । बिदाबलय् उटि चाः ह्यु वना । अन 'रामलखन' सकिपाया सुटिङ्ग जुयाच्चन, डिम्पलयागु । भचा उज्यां वंचुगु सूट फिनातःम्ह जैकी श्राफ नापलात । जि हिन्दी भासं नतुया, म्हसीका कार्ड क्यनाः अन्तर्वार्ताया निरतिं इनाप याना । नाय्गु सलं हिन्दी भासं हे वं चिकचाहाकःगु

स्वलाया निरतिं जि भारतया तसकं नांजाःगु 'सेन्टर फर फूड टेक्नोलोजी एण्ड रिसर्च इन्स्टिच्यूट (सिएफटिआरटी)', मैसूरय् वना । बिदाबलय् उटि चाः ह्यु वना । अन 'रामलखन' सकिपाया सुटिङ्ग जुयाच्चन, डिम्पलयागु । भचा उज्यां वंचुगु सूट फिनातःम्ह जैकी श्राफ नापलात । जि हिन्दी भासं नतुया, म्हसीका कार्ड क्यनाः अन्तर्वार्ताया निरतिं इनाप याना । नाय्गु सलं हिन्दी भासं हे वं चिकचाहाकःगु अन्तर्वार्ता बिल । लिपा अनिल कपूरं जिलिसे ल्हाः मिलय् याः वल । जैकी श्राफया अन्तर्वार्ता ०४५ माघ अंकय् पिदन ।

फाइट सीन स्वयाः लिहां वया । कन्हय् कुन्हु छथाय् हाकनं छम्ह कलाकार मद्गु श्रद्धाञ्जलि ज्याइवलय् ब्वति काःवना । अन राज बब्बर, नादिरा बब्बर, एच.के. हंगल, अमोल पालेकर, सुप्रिया, दीना पाठक व ओम पुरीपिन्त खना । ओम पुरी जिनापा ल्हाः मिलय् यात । अन्तर्वार्ता धाःसा सुयाके मकया ।

लिपा नेपाः लिहां वयाः जि गौरी मल्ल, बसुन्धरा भुसाल, निशा शर्मा, ईश्वर अमात्यपिनिगु अन्तर्वार्ता नं कया । 'चिपनिप' भिडियो सकिपा व मेगु छुं छुं नाटकया रिभ्यू नं च्वया । २०५० साल लिपा 'कामना'या निरतिं च्वय्गु दिकाछ्वया । छाय् कि साहित्यपाखे जि तापाना वनाथे जुल । साहित्यिक यात्रायात निरन्तरता बीत 'कामना'या निरतिं दिकाछ्वयासां पुष्करलालनापया स्वापू दया हे च्वन । लिपा पुष्करलालया आत्मकथा सफू 'कलम' पिदन । पुष्करलाल व 'कलम' सफू छू जितः बिचाः धाल, 'थ्व सफूतिइ छिनां न्ह्यथनागु दु ।' खै न्यनाः जिगु नुगः तसकं लय्ताल छायाकि जिं 'कामना'या निरतिं यानागु योगदान पुष्करलाल लुमकातःगु दु खनी । 'कलम' सफू जिं जिगु सफू न्याकय् थपकक तयातइगु दु, मब्वनानि । ब्वनेमानि । व सफू खनीबलय् हे नुगः लय्ताइगु । थुलिजक मखु, भारतय् वनाबलय् उटि व बम्बइलय् नापलाःपिं कलाकारपिन्सं जितः नेपाल वःम्ह 'सिने पत्रकार' धकाः मानय् याःगु लुमनीबलय् नं जिगु नुगः तसकं लय्ताइगु । थुलि हे खैवः ह्वलाः जितः सिने पत्रकार यानाब्यूम्ह निम्हम्ह पत्रकार 'पुष्करलाल श्रेष्ठ'यात श्रद्धाञ्जलि देखाना ।

राम प्रजापति
प्रोप्राइटर

हारती मिठाई भण्डार
(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।


(क) व्यापारी त्यासा
(ख) हायरपचेज त्यासा
(ग) आवासीय त्यासा





(घ) शेयर त्यासा
(ङ) मुद्दती रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.
ह्वनाछै, पाको, न्हूसतक, येँ, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

बिचाः हाय्का

 **बुद्धि**
ति.सं. २००२
माघ १०



 **मद्गु दि**
ति.सं. २०७५
चैत्र १

मद्गुम्ह नरेन्द्रमान शाक्य

थुगु प्याम्लां खलः सम्यक तिथि गुथिया सल्लाहकार
नरेन्द्रमान शाक्य
आकाभाकां मद्गु लत्याया पुण्य तिथिस मद्गुम्ह वय्कःया निर्वाण कामना यासं दुःखं कःपिं सकल छैजःपिन्सं धैर्यधारण याय् फय्मा धकाः बिचाः हायेकाः ।

प्याम्लां खलः सम्यक तिथि गुथि
हःखा त्वाः, यल



पूर्णमात महर्जन, कलाकार

किपा : नृपेन्द्रलाल श्रेष्ठ

लहना

LAHANA WEEKLY

काठमाडौं



नां : पूर्णमान महर्जन
मां : देवलक्ष्मी महर्जन
अबु : लक्ष्मीनारायण महर्जन
जहान : रश्मी महर्जन
बुदिं : वि.सं. २०२९ माघ ५ गते
थाय्बाय् : लर्ग, गोफ., नाय्पाचो त्वाः, येँ महानगरपालिका-२१
शिक्षा : भिऱगू तर्गिं

लजगाः
 इलेक्ट्रोनिक पसः
आबद्ध संघसंस्था :
 • श्री गणेश युवा क्लबया कार्यकारी दुजः
 • गोफ त्वाःया ल्यू छ्याञ्जे
कलाकारिता ख्यलय् दुहांवःगु :
 वि.सं. २०४७साल (न्हापांगु म्ये : कति हासैँ म, कति रोएँ म)

• सकिपा : जि यःम्ह पासा, यमराजया अदालत, नेवाः म्यूजियम (चीहाः सकिपा), छता खँ (टेलिसिरियल)
 • म्यूजिक भिडियोस अभिनय, नेपालभाषाया नापनापं खस नेपाली भाषाया म्ये हालादीगु
नुगाः खँ :
 भी नेवाः मस्तयूत नेपालभाषा न्ववायगु, ब्वने, च्वयगु स्यना तय् माः । भीगु तजिलजि, संस्कृतिया म्हसीका बीमाः ।

मां !

बसन्त नकती

मां ! छ जिगु ज: ख:
ज: बिनाया जीवन व्यर्थ
छ च्याना: जित: ज: बिल
व हे जलं ब्वलंमह जि
गबलय् न्हिन मखु
जि शक्तिवान जुइ धुन
छंगु हे ज:या जलं ।

मां ! छ जिगु स: ख:
जि स: विहिन जुया: म्वाय् फइमखु
संसार थ्वय्केत वयाम्ह जि,
व सन्देशवाहक ख:
छंगु हं स: त्यासा कया:,
शान्तिया स: थ्वय्काच्चना हलियम् ।



मोतिमाया नकती

मां ! छ जिगु ल: ख:
प्या:चा: पतिकं छपास: ल: मा: जित:
विकल्प मदु थुकिया छुं
गथे जित: छ हे मा:,
सासपतिकं अर्थे हे जीवन ब्वलंकेत ल:
हे मा:
ल: बिना जि दइमखु, ल: जीवन ख:
मां ! छ ल: ख:, जित: न्ह्याबले मा: ।

ब्रम्हविहार

पुष्परत्न तुलाधर

मांया क्वखं बुया:
नकतिनया बुलुमिखां
थुगु भव स्पर्श जुइवं
जिमि मांया
असीम व अप्रमाण्य
लुमुगु य:त्य:
वा:चा:मह जि -

जिमि मांया
ब्रम्हविहार व
अप्रमाण्य चित्तं
शुद्ध तूचिकनं बुइका:
ल्हा:तुति धिसिमिसि लाना:
ब्वलंमह जि -

जि मामं ज्या:मह
छमह पूर्वमह मनू ।

बिनावंगु इलं
गबले जिमि मां जिथि जुइ,
मचा पहलं थिइ ।
अबलय् जिगु स्मृति हुयावने धुंकी
जिगु थ:गु मचासू,
जिमि मांया छुं हे नाम रुप जिके ।



मैयालानि तुलाधर

जि थुभनं लिमलाका जुइ,
थुगु भवय् धस्वाय्त
या,
सखे छन्त मि तयगु हक मदु जिके
जि अभं तापाक वनी छलिसे ।

छंगु जिथि महं फ:गु दु:ख
जिगु मिखां तुलुतुलु स्वइगु पहलं
छंगु नुग: गुलि क्वतुं जुइ, गबलय्
न जिके मैत्री दु, न जिके करुणा बू
न जिके मुदिता लू, न जिके उपेक्षा जू ।

गबलय् जिगु ब्रम्हविहार
व अप्रमाण्य चित्तं
जिं छन्त थुइ, छ ला
सर्गतय् छग: नगु जुइ ।
दच्छि छन्हूसां
थ:त लुदंके जिं
भवया न्हायुकनय् स्वया:
जिगु म्हय् लुगु छंगु बां

जिम्ह मां.....

राजेश श्रेष्ठ

छु हे दइ जिगु संसारय् सुखया नां थन
छनार्प हे जि च्वय्च्वय् ब्वय् मखंसा
जीवन हे दयां नं छु याय्त हे ज्या वल
छंगु प्रेमय् हे जि थौ स्वार्थे ह्वय् मखंसा ।

थ्व न्हिला जक दयां छु याय्त य:मां स्व !
छंगु मतिनाय् हे अरे ! जि नं क्वय् मखंसा
सूर्य: त्वया: जक छु याय् रे थ्व भाय स्व !
जिगु म्हसीकाय् छंत हे न्हय्ब्वय् मखंसा ।



सूरजलक्ष्मी श्रेष्ठ

हलिमय् म्वाय्त जित: थ्व चुपि छु याय्त
छंगु ह:पा: व प्रेरणाय् हे जि म्वाय् मखंसा
थ्व मिखा हे छु ज्या वल य:मां सत्य सत्य
जिम्ह छ: हे सदा सदा जिं स्वय् हे मखंसा ।

मां नं क्यंगु लँपुइ

मोतिशान्ति शाक्य

ममताया बुंगा:चा न्ह्याबले
भय्बीका च्वनीमह
हौसला व प्रेरणाय् अगिमथ: जुया:
ग्वानाच्चनीमह
कत:या घालय् थ:त स्याका: क्वलंका बीमह
अहंकार व असत्यया ल्वचं गबले मक:मह
विवशताय् थ:त गबले मतंकीमह

बरु छपला: न्हय्ब्वाइमह
ल्युमुतु ल्यया: आज्जुया
लुखाखलु क्यनाबीमह
जिमि पुज्जनीय स्वर्गीय मांयात
श्रद्धाय् स्वांवा गाय्का:
निर्वाणया कामना याना
मामं क्यंगु लँपुइ थौं जिपिं सकले
न्ह्या: वनाच्चना
जिपिं सकले ब्वाय् वनाच्चना ।



जोगलक्ष्मी शाक्य

जि मां

राजुराम मुनंक:मि

जिगु जन्म जुल जिं मस्यू, जि मांया व ब्यथा
गुलि दु:ख जुल जुइ जि मचायात लहिना ॥
जि मचाला नय् त्वने व ख्वय् जक हे तातुना
जित संस्कार बिल जि मां नं यायां सदां मतिना ॥

ल्याय्मह जुल नं जि मांया जि सदां हे जि मचा
त्व:ते मफु जि मांयात धौपलख हे भचा ॥
बौ मदय्वं ला जिं मांयात माया यानाच्चना सदां
जि मां नं नुगलय् हे तयातल य: पुता धार्था सदां ॥

कला: स्वयां नं छु मपा:, जिं पूजा याना छ: हे भापिया
मांया स्वक्व:गु जकव क्वचाल, माया वल भन् सतिना
जि ला छक्क जुल व मांया क्वातुगु आत्मबिश्वास खना:
अजू चायाच्चना जिपिं, सकसितं क:घाय्गु व क्षमता खना: ॥



हिरादेवी मुनंक:मि

माया मपा: व मांया, छँज: सकलसितं भ्या हे भचा
तर दु:ख जुल जिमित, जिमि मां नवाय् हे मफया ॥
सकले छँज: उतिकं लगे जुल, मांयात बिचा: याना
हिहि लना ख्वया सकले, मांया अन्तम अवस्था खना

सास: ल्यंतलय् जिपिं सकल च्वना, म्वाइगु आश खना
नमवासे हे थ्व धर्ति त्व:ता वन, जिमित अनाथ याना ॥
ल्वमंके मखु जिमि मां नं ब्यूगु व संस्कार अलय् मतिना
सुवा: बिया: हे मां, जिमित सदां थ्व हे जिमिगु प्रार्थना ॥

मां

सुनिल बजाचार्य

सफलताया सगरमाथा गय्गु कुत: छु याना
जित: जुन्को तावेइया जीवनीं ह:पा: चुलाइ
ख:, जब जब व च्वका लुमनी
जित: पासाङ ल्हामु लुमनी

करुणाय् सागरय् लाल काय्गु कुत: छु याना
जित: नाइटिंगेलया जीवनीं प्रेरणा चुलाइ
ख:, जब जब त्याग लुमनी
जित: मेरी स्टोप्स लुमनी

शान्तिया कामनाय् जिं सिद्धार्थ छु लुमका
जित: मायादेवी उर्जाया पर्याय ताइ
ख:, जब जब मैत्री लुमनी
जित: मलाला लुमनी

त्या:बूया हलिमय् जित: त्याय्गु मन दु
अबलय् स्टेफी ग्राफया रफतारं घ्वातु घ्वाइ
ख:, जब जब जिं गति लुमके
जित: नाभ्रातिलोभा लुमनी
जित: मोनिका सेलेस लुमनी

ख:, अथे हे ख:
- जब जब अठोट लुमनी
- जित: इन्दिरा गान्धी लुमनी
- जब जब दृढता लुमनी



लक्ष्मी बजाचार्य

- जित: बेनजीर लुमनी
- जब जब धैर्यता लुमनी
- जित: एलिजाबेथ लुमनी
अलय्,
उपिं सकले लुमकां जिं जिगु न्हय:ने दुम्ह मांया ख्वा: स्वय्
उपिं सकसिगु जीवन गाथा ब्वना: मांया ख्वा: स्वय्
प्रसव बेदनाया धौपलख लिपा
मुसुकाम्ह जिम्ह मांया ख्वा: स्वय्
ताइ,
उमिके दुगु साहस जिम्ह मांयाके नं दु
उमिके दुगु बहादुरी जिम्ह मांयाके नं दु
उमिसं थें जिम्ह मांमह नं बलिदान ब्यूगु दु
जिम्ह मांया न्हय:ने उपिं सकले बुलु

उकिं ला उत्साह ल्वाक छ्याना: धाय् -
“मां, छ जिगु जीवनया आदर्श ख: ।”

शंखधर उपन्यास उलेज्या



राष्ट्रिय विभूत शंखधर साख्वाः प्रतिस्थानया ग्वसालय मल्ल के सुन्दरं चव्यादीगु व अगिब बनेपाली अनुवाद यानादीगु खस भाषाया 'शंखधर' नांया ऐतिहासिक आख्यानत्मक परिकल्पना यानाः तयार यानातःगु उपन्यास छगु ज्याइवःया दथुइ उलेज्या जुल ।

ज्याइवःया मूपाँहा शताब्दी पुरुष

डा. सत्यमोहन जोशी, जनकवि दुर्गालाल श्रेष्ठ, नेपाल प्रज्ञा प्रतिस्थानया कुलपति गंगाप्रसाद उप्रेति, नेपालभाषा एकेडेमिया चान्सलर चित्ररञ्जन नेपाली मंकाःकथं सफूपितबबज्या यानादीगु खः । प्रतिस्थानया नायः चन्दन कृष्ण श्रेष्ठया सभाध्यक्षताय् जूगु उगु ज्याइवलय् च्वमि मल्ल के. सुन्दरं सुभाय् देखानादीगु खः ।

'नेशनल क्यानेडियन फिल्म डे'या इवल्य् थीथी व्यक्तित्वपिन्त हन

'नेशनल क्यानेडियन फिल्म डे'या लसताय् नेपाल कल्चर फिल्म सेन्टर येंय् छगु ज्याइवः यासें नेपाःया सकिपा, संस्कृति, पत्रकारितालिसेंया क्षेत्रय् योगदान बियादीपिं थीथी व्यक्तित्वपिन्त हंगु दु । चलचित्र विकास बोर्ड नेपालया नायः केशव भट्टराई मूपाहाँकथं भयादीगु उगु ज्याइवलय् बरिष्ठ अभिनेत्री बसुन्धरा भुसाल, चलचित्र निर्देशक समाजया नायः सुचित्रा श्रेष्ठ, संस्कृतिविदालिसें राष्ट्रिय गानया च्वमि ब्याकुल माईला, साँस्कृतिक अभियन्ता उर्मिला डंगोल, सकिपा निर्देशक माधवराज खरेल, बरिष्ठ सिने पत्रकार विजयरत्न तुलाधर 'असंबरे', पत्रकार कमला जोशी, जीवन पराजुली, विनु श्रेष्ठ, पर्यटन एक्सपर्ट पि.क. शेर्पालिसेंया थीथी क्षेत्रय् योगदान बियादीपिं व्यक्तित्वपिन्त हंगु खः ।



नेपाल गोल्डेन आइडल सिजन ६ यात कयाः पत्रकार सम्मेलन

नेपाल गोल्डेन आइडल सिजन-६या फाइनलतक थ्यनेधुंकाः न धेंधेंबल्ला कासा त्वःतूह यलया प्रतिभावान् मचा म्येहालापिं सजल महर्जनं छगु पत्रकार सम्मेलन यानाः ग्वसाः खलःपाखे टिकट मीकेत्यंगु खेंय् असन्तुष्टि प्वकादीगु दु ।

एनटिभी-२पाखें प्रत्येक बिहवाः बहनी ९:३०ताः इलय् व गोल्डेन स्टार टिभी अनलाइन च्यानलपाखें प्रसारण जुयाच्वंगु थुगु प्रतिस्पर्धीय् सलंसः ल्याख्य ल्यज्या जुयावःमह गायन प्रतिस्पर्धीय् टप-६ तक महर्जन थ्यंकेत ताःलाःमह खः ।

महर्जनलिसे मेमेपिं प्रतिस्पर्धीपिन्त

ग्वसाः खलकं ब्यूगु न्यासः तका स्वयां च्वय्या तकाय् मीमाःगु मूल्यावहीन टिकटपाखें धेबा मुंकेगु दबाब, नियमकथं प्रतिभा प्रस्तुतिया मौकां बच्चित याइगु, प्रतिस्पर्धीपिन्त ब्व बीगुथें जाःगु दूर्त्यवहार जक मजूसे नेपाःया यें, चितवन, इटहरी लिसेंया थीथी च्यागू थासय् जूगु सांगीतिक यात्राय् नसात्वेँसातकं थःमहेस्यां व्यवस्था याय्माःगु, दानेत थाय् तकं मब्युगु अवस्थां अतिकं दुःखी जुयाः प्रतिस्पर्धीय् निरन्तरता मबीगु निष्कर्षय् जिपिं वनागु दु धकाः यलय् छगु पत्रकार सम्मेलन यानाः जानकारी बियादीगु खः ।

सुकुन्दा फिल्म प्रोडक्शन थसिइ सकिपा नखः हन

सुकुन्दा फिल्म प्रोडक्शनपाखें ग्वसाः ग्वःगु 'सकिपा नखः' यलया पुलांगु नेवाः बस्ती थसि (सिद्धिपुर)इ वंगु सञ्चरवाः व आइतवाः निन्दुयंकं जूगु दु ।

उगु सकिपा नखःया उलेज्या महालक्ष्मी नगरपालिकाया प्रमुख रामेश्वर श्रेष्ठ यानादीगु खःसा ग्वसाः खलःया काजि सकिपा निर्देशकलिसें च्वमि व कलाकार बासु शाहीया सभाध्यक्षताय् क्वचाःगु खः ।

अथे हे, भिदं भिन्दाँ न्ह्यःनिसें

मदिकक नेवाः सकिपा दयका वयाच्वंगु सुकुन्दा फिल्म प्रोडक्शनया ग्वसालय् जूगु महोत्सवय् निर्देशक रविन्द्र शाही दयकूगु शर्ट फिल्म 'मू' व वयकःया हे निर्देशनय् दयकूगु 'थःमहं म्हुगु गाः' क्यनेज्या जूगु खः ।

सकिपा क्यनेगु हे इवल्य् बासु शाहीया निर्देशन व च्वसाय् दयकूगु 'वाःया दुने जाकि दु', सुरेन्द्र मानन्धर दयकूगु शर्ट फिल्म 'नेवाः भी नेवाः हे जुइ' क्यन ।

थ्व हे इवल्य् उगु सकिपा नखलय्

सुकुन्दा फिल्म प्रोडक्शनया दकलय् न्हापांगु नेवाः सकिपा 'मतिना'या नायः रविन्द्र शाहीयात विशेष सम्मान नं लःल्हाःगु खःसा आराध्यलक्ष्मी खड्गी, माणिक शाही, धर्म मानन्धर, सरस्वती मानन्धर, सजना शाक्य, रिम महर्जन, किशोर खड्गीलिसें आपाल कलाकारपिन्त सांगीतिक व साँस्कृतिक ब्वज्या न्ह्यब्वयादीगु खः । ज्याइवः सुरेन्द्र मानन्धर व रजनी खड्गी न्ह्याकादीगु खः ।

देय् दबू ...

थजाःगु हे जिम्मेवारी हेरफेरयात कयाः नेवाः देय् दबूया निर्वाचित केन्द्रीय दुजः रश्मिला प्रजापति नं विरोध याःगु दु । प्यक्वःगु केन्द्रीय मुँज्याया निर्णय एकथं 'सचिवालय पुनःगठन गरियो' धकाः केन्द्रीय दांभरि अञ्जिता खड्गीया थासय् शान्त श्रेष्ठ व सचिवालय जः रश्मिला प्रजापतिया थासय् बदन शर्मा राजोपाध्यायया नां तयातःगुलिं नेवाः देय् दबूया खुक्वःगु तःमुँज्यापाखें निर्वाचित जूह केन्द्रीय दुजःया हैसियत थुकथं जिम्मेवारीया हेरफेर याय्माःगुया कारण छु खः धकाः तर्क न्ह्यसः तयादिल, प्रजापति । वयकलं नं दबूया नायः नं याना वयाच्वंगु ज्यायात कयाः असहमति प्वकूसें देय् दबूया ज्या विधान समत मजुगु विशेष यानाः आर्थिक ग्वाहालि बीधुंकाः सचिवालय मुँज्याय् पारित याय्त हइगु खँयात कयाः सः थ्वय्कूगुलिं हे जिम्मेवार हेरफेरया मू कारण खः ला ? धकाः न्ह्यसः छुनादीगु दु ।

थ्व हे इवल्य् विधानया दफा १४, उपदफा ४ या व्यवस्थाकथं पदाधिकारीपिनिगु जिम्मेवारी हेरफेर यानागु धकाः निर्णय याःगु धाःसां नं पदाधिकारीयात स्पष्टिकरण हे मकासें नायःया प्रस्तावय् कार्यविभाजन हेरफेर याय्गु गुलितक पाय्छि खः ? थुकियात कयाः महासचिवालिसें फुक्क केन्द्रीय दुजःपिन्सं लिसः बीमाःगु खः वा मखु ? मेगु मिति २०७४ जेठ १२गते च्वंगु न्हापांगु मुँज्यां केन्द्रीय समिति गठन लिपा नायःया प्रस्तावय् केन्द्रीय समितिया क्वःछिनापाखें निर्वाचित दुजःपाखे महासचिव नियुक्त याय् फइ व कार्यविभाजन केन्द्रीय दुजःपाखें याय्फइ धाःसां नं थ्व पटक पटक याय्फइ, थुकिया कार्याविध व चीकेमाःगु मनासिव कारणयात कयाः न्ववाना मतःगुलिं थ्व छगूकथं नायःया अधिनायकवाद ज्या जक

मजुला धइगु न्ह्यसः नं ब्वलंगु दु । थये जुइवल्य् नायःयात चित्त बुभ्के मजुइवं हरेक पटक थुकथं स्पष्टिकरण बीगु हे ह्वःताः मब्युसे कार्यभार हेरफेर याय्गु ज्या संगठनय् नायःया हैसियत छु खः धइगु स्पष्ट जूगु जक मखु कि थुकि संगठनयात गजाःगु लिच्वः लाकि धइगु बिचाः याय्माःगु खनेदु । नायः ताम्रकारया भासं धाय्गु खःसा थ्व हेरफेर धइगु 'प्रधानमन्त्री मन्त्रीमण्डलय् मन्त्रीतय्गु ज्याखँयात कयाः चित्त बुभ्के मजुगुलिं ज्यायात कयाः हेरफेर जक यानागु खः ।' धइगु धापुलिं संगठन दुने अधिनायकवाद दुगु स्पष्ट क्यनाच्वंगु दु ।

नेवाःतय्गु राष्ट्रिय संगठनकथं स्थापित जुयाच्वंगु नेवाः देय् दबुली वःगु थुगु विवाद यानाः नेवाः संगठनय् जक मखु, नेवाः जातियात कयाः मेमेगु जाति, संगठनं स्वइगु दृष्टिकोण हे पानावनीगु खनेदु । विशेष यानाः आदिवासी जनजातिया ज्याखँय वा थःगु पहिचानया निमित्त न्ह्यज्याय्माःगु अवस्थाय् तर्क नेवाः देय् दबुलिं थःगु उपस्थिति क्यने मफूगु व नेवाःतय् दथुइ थःगु 'छवि' स्यना वनाच्वंगु अवस्थाय् नेवाः देय् दबूया थजाःगु प्रवृत्तिं दूगामी लिच्वः लाकीगु खनेदु ।

पत्रकार...

पत्रकार दबूका केन्द्रीय पदाधिकारी, दुजःपिं, दबूया स्वनिगःया दुजःपिन्सं 'विचाः नापं अभिव्यक्ति स्वतन्त्रताया ग्यारेण्टी या, प्रेस स्वतन्त्रताया ग्यारेण्टी या, गैर न्यायिक हिरासतय् तयातःमह पत्रकारतयात त्वःति' धकाः च्वयातःगु प्लेकार्ड ज्वनाः प्रदर्शन याःगु खः ।

धर्ना ज्याइवल्य् नेवाः पत्रकार राष्ट्रिय दबूका केन्द्रीय नायः श्रीकृष्ण महर्जन अदालतया आदेशया अःखः हिरासतय्

तयातःगु धइगु सरकारं कानूनी शासनया बाखिलाप ज्या याःगु धयादिल । नेपाल आदिवासी जनजाति पत्रकार महासंघया नायः दण्ड गुरुङ्ग वैचारिक आस्थाया आधारय् पत्रकारयात ज्वनेगु धइगु सरकारं प्रेस स्वतन्त्रतायात हाथ्याः ब्यूगु धयादिल ।

धर्नाय् नेपाल पत्रकार महासंघया केन्द्रीय दुजः जन्मदेव जैसीं सरकारं छगु यायां मेमेगु कथं प्रेस स्वतन्त्रतायात उल्लंघन यानाच्वन धकाः द्वपं बियादिलसा क्रान्तिकारी पत्रकार महासंघया प्रदेश नं ३ या संयोजक रमेश महतारा, क्रान्तिकारी पत्रकार संगठनया महासचिव बाबुराम भुसाल, पत्रकार दबूका केन्द्रीय महासचिव सुनील महर्जन व सचिव के. के. मानन्धरं सरकारं पत्रकारतय् ज्वनाः लोकतन्त्रया आवरणय् निरंकुशता व राज्य आतंक न्यकाच्वंगु धयादिल । किपुलिं पिहां वइगु नेपालभाषाया वाःपौ "न्हूगु ज्वजलपा"या प्रकाशक नापं सम्पादक महर्जनयात वंगु चैत्र २६ गते व बैशाख ८ गते हाकनं सर्वोच्च अदालतया लाग्नां हे ज्वंगु खः ।

महानगरीय प्रहरी वृत्त कमलपोखरीपाखें राज्यविरुद्धया कसुरया अनुसन्धानया इवल्य् पत्रकार महर्जनयात तःक्वःमछि म्याद थप यानाः हिरासतय् तयातःगु खः । थ्व हे इवल्य् सर्वोच्च अदालतं पत्रकार महर्जनयात अनुसन्धानया इवल्य् सःतूगु इलय् हाजिर जुइगु शर्तय् थ्व यानाः त्वःती धकाः वंगु बैशाख ८ गते बन्दी प्रत्यक्षीकरणया आदेश जारी याःगु खः । नेपाल पत्रकार महासंघपाखें केन्द्रीय दुजः जैसीं गृह मन्त्रालयात विपक्षी दयकाः अदालतय् तयादीगु रीटयात कयाः अथे आदेश ब्यूगु खःसा अदालतं त्वःती धाःगु अवस्थाय् त्वःताः हाकनं अदालत लाग्नां हे पत्रकार महर्जनयात ज्वनाः हिरासतय् तय्गु ज्यातर्क याःगु खः ।

मिखादान जनचेतनामूलक ज्याइवः



'दृष्टिविहीन उन्मूलन'या तातुनां न्ह्याका वयाच्वंगु सामाजिक क्रिया सञ्जाल नेपाल, येंया ग्वसालय् मिखादान जनचेतनामूलक ज्याइवः जुल ।

ज्याइवल्य् मूपाहाँकथं यें

महानगरपालिका-२०या वडानायः राजेन्द्र मानन्धर भयादीगु खःसा पाहाँकथं शान्ति निकुञ्ज मा.वि.या प्रधानाध्यापक ज्ञानकाजी महर्जन, वडा सदस्यपिं शोभा मानन्धर व मञ्जु मगैयां भयादीगु खः ।

घुस काइमह व बीमह निम्हं दोषी खः ।

घुस लिने र दिने दुवै उत्तिकै दोषी हुन् ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग

महानगरपालिकापाखें नेपाल एम्बुलेन्स सेवालिसे सहकार्य



अस्पताल वनेन्हयः स्वास्थ्य सेवाया अभावय् जुइगु मृत्युजन्य क्षति म्हो याय्गु तातुनां यें महानगरपालिकां नेपाल एम्बुलेन्स सेवालिसे सहकार्य न्ह्याकूगु दु ।

म्हगः आइतवाः येंया राष्ट्रिय सभागृहस यें महानगरपालिकाया प्रमुख विद्यासुन्दर शाक्य व नेपाल एम्बुलेन्स सेवाया नायः रिञ्जित आचार्य मंकाः व्यवस्थापनय् एम्बुलेन्स सेवा (अस्पताल वने न्हयः आकस्मिक स्वास्थ्य सेवा) सञ्चालन व व्यवस्थापनया नितिं सम्भौता पतिइ ल्हाःचिं तयाः उगु ज्याया शुरुवात यानादीगु खः ।

सम्भौतालिपा येंय् दुगु ६गः एम्बुलेन्सय् महानगर प्रमुख व उपप्रमुख

‘महानगरया सहकार्यस न्ह्याःगु एम्बुलेन्स सेवा’ च्वयातःगु स्टिकर तिकाः उगु सहकार्यया सुरु यानादीगु खः ।

थुगु सहकार्यपाखें आः ल्वगितसे एम्बुलेन्स वय्धुंकाः दक्ष जनशक्ति व प्रारम्भिक स्वास्थ्य उपचारया नितिं वासः व उपकरण प्राप्त याइगु जूसा थुकिया नितिं आकस्मिक सेवाया माःगु प्रविधि, वासः व उपकरणलिसेया एम्बुलेन्सय् आकस्मिक सेवाय् तालिम कयातःपिं दक्ष स्वास्थ्यकर्मित परिचालन जुइ । अथे हे जनशक्ति व उपकरणलिसेया एम्बुलेन्स विरामीपिन्थाय् थ्यनेवं वासः याय्गु ज्या न्ह्याइ । थथे जुइबलय् छें व अस्पतालया दथुइ उपचारया अभाव सीपिं ल्वगिपनिगु ल्याः म्हो जुइगु विश्वास यानातःगु दु ।

जात्राय् उवाहालि याःपिन्त सुभाय् देखात

सेतो मच्छिन्द्रनाथ रथयात्रा-११३९ व्यवस्थापन समितिया ग्वसालय् छगू ज्याइवःया दथुइ वंगु चैत्र ३० गतेनिसें बैशाख ४ गतेतक न्ह्याःगु येंया तःजिगु जात्रा जनबहाःद्यःया रथजात्रा तःजिक क्वचाःगु लसताय् जात्राय् ग्वाहालि यानादीपिं सकलसित सुभाय् देखाय्गु ज्या जुल ।

यें महानगरपालिकाया प्रमुख विद्यासुन्दर शाक्यया मूपाहॉकथं भयादीगु उगु ज्याइवलय् विशिष्ट पाहॉकथं भाषासेवी उद्योगपति लक्ष्मीदास मानन्धर, ३ नम्बर प्रदेशया सांसद डा. अजयक्रान्ति शाक्य व राजेश शाक्य भयादीगु खः ।



जनबहाः द्यःया गुरुजु, व्यवस्थापन समितिया कजिलिसें यें २५ वडाया वडानायः नीलकाजी शाक्यया सभाध्यक्षताय् जूगु उगु ज्याइवलय् जात्राय्

ग्वाहालि यानादीपिं थीथी उपसमितिया कजि, दुजःपिं, बाजं खलः, थीथी खलः पुचः नायः, पत्रकारपिन्त सुभाय्कथं लुमन्ति चिं देखाःगु खः ।

बालबालिकाको शैक्षिक, स्वास्थ्य, रक्षा, संरक्षण तथा परामर्श सेवाका लागि

बाल हेल्पलाइन-नेपाल

कुनै पनि बालबालिका

हेला, हिंस्र, दुर्लभवहार, परिट्याज, श्रम वा चोच सोषण जदिह हराय, फेला परे, दुर्घटना, ओसार-पसार, अपहरण, जोखिममा परे वा कसबुजी तथा मनोस्वास्तिक सहयोग अवसर परे १०९८ मा सम्पर्क गर्नु ।

पैसा नलाग्ने फोन
१०९८
(दश-नौ-आठ)

CWIN सिविन-नेपाल

सिबिन्स बाइरटनगर सिबिन्स-नेपालका सम्बन्धित बाल हेल्पलाइन

काठमाडौं	बिराटनगर	पोखरा	इटौडा	नेपालगन्ज
०१५३१५०००	०१५३०००००	०९५४३१५००	०९५३५५०००	०९५३५००००

१०९८ (दश-नौ-आठ)

२०७६ वैशाख २१ गते शनिवाः 'मांया स्वाःस्वयम्' दिंया नितिं माःगु फुककथंया मरिचरिया नितिं लुमंका दिसँ ।

Delicious Sweets

बिगबन
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323

Q&J DOUBLE ROAD

DOUBLE ROAD, KAPSEN, HAIDA
Brand या Radial टायर व
मोटरसाइकलया टायर नेपाःया बजारय्

साय्मि ट्रेडिङ्ग कम्पनी

फोन : ०१- ४२७१६०२, मोबाइल नं. : ९८५१०९२५५, ९७४१०२७०८१, ईमेल : saymitradingco@gmail.com



फुकक कथंया
टायरय्
ग्यारेन्टी दु ।

